

საქართველოს სტატისტიკის ეროვნული სამსახური

გამყვანი ტურიზმის სტატისტიკა II კვარტალი 2025 წელი



08.08.2025
www.geostat.ge

საქართველოს სტატისტიკის ეროვნული სამსახური

08.08.2025


გამყვანი ტურიზმის სტატისტიკა

(II კვარტალი, 2025 წელი)

2025 წლის II კვარტალში საქართველოს ტერიტორიიდან დაფიქსირდა საქართველოს რეზიდენტი მოგზაურების¹ 715.1 ათასი გასვლა საზღვარგარეთ, რაც 2.5 პროცენტით მეტია წინა წლის ანალოგიური პერიოდის მაჩვენებელზე. გასვლების უდიდესი ნაწილი, 45.1 პროცენტი, განხორციელდა 31-50 წლის მოგზაურების მიერ.

დიაგრამა №1

2024-2025 წლების II კვარტალებში საქართველოს რეზიდენტი მოგზაურების გასვლების განაწილება ასაკობრივი ჯგუფების მიხედვით



აღნიშნული რაოდენობიდან საქართველოს რეზიდენტი ვიზიტორების² მიერ საზღვარგარეთ განხორციელებულმა ვიზიტებმა³ 564.3 ათასი შეადგინა, რაც 0.4 პროცენტით მეტია 2024 წლის ანალოგიური პერიოდის მაჩვენებელზე.

¹ ტურიზმის მსოფლიო ორგანიზაციის მეთოდოლოგიის თანახმად, **მოგზაური** არის ნებისმიერი ასაკის პირი, რომელიც გადაადგილდება სხვადასხვა გეოგრაფიულ არეალს შორის ნებისმიერი ხანგრძლივობითა და მიზნით.

² **ვიზიტორი** არის 15 წლის ან უფროსი ასაკის საქართველოს რეზიდენტი მოგზაური, რომელმაც განახორციელა ვიზიტი საკუთარი ჩვეული გარემოდან სხვა ქვეყნის ტერიტორიაზე ერთ წელზე ნაკლები დროით (გარდა შემდეგი კატეგორიებისა: დასაქმების მიზნით წასულები, საზღვარგარეთ აკრედიტებული დიპლომატიური ან საკონსულო ოფიცრები, შეიარაღებული ძალების წევრები ან მათ კმაყოფაზე მყოფი პირები, აგრეთვე პირები, რომლებიც ხშირად კვეთენ საზღვარს).

³ **ვიზიტი** არის ვიზიტორების გადაადგილება.


საქართველოს სტატისტიკის ეროვნული სამსახური

08.08.2025

ქვემოთ მოცემული დიაგრამა ასახავს 2024-2025 წლების II კვარტალებში საქართველოს რეზიდენტი მოგზაურების გასვლებისა და საქართველოს რეზიდენტი ვიზიტორების მიერ განხორციელებული ვიზიტების რაოდენობას.

დიაგრამა №2

2024-2025 წლების II კვარტალებში საქართველოს რეზიდენტი მოგზაურების გასვლებისა და საქართველოს რეზიდენტი ვიზიტორების მიერ საზღვარგარეთ განხორციელებული ვიზიტების რაოდენობა




საქართველოს სტატისტიკის ეროვნული სამსახური

08.08.2025

საქართველოს რეზიდენტი ვიზიტორების მიერ საზღვარგარეთ განხორციელდა 385.8 ათასი ტურისტული ტიპის ვიზიტი, რაც 7.1 პროცენტით მეტია წინა წლის ანალოგიური პერიოდის მაჩვენებელზე. ქვემოთ მოცემული დიაგრამა ასახავს საქართველოს რეზიდენტი ვიზიტორების მიერ საზღვარგარეთ განხორციელებული ვიზიტების რაოდენობის განაწილებას ვიზიტის ტიპის⁴ მიხედვით.

დიაგრამა №3

2024-2025 წლების II კვარტალებში საქართველოს რეზიდენტი ვიზიტორების მიერ საზღვარგარეთ განხორციელებული ვიზიტების რაოდენობის განაწილება ვიზიტის ტიპის მიხედვით



⁴ ტურისტული ვიზიტი - იგულისხმება ისეთი ვიზიტი, რომლის დროსაც ვიზიტორმა ღამე გაათენა ვიზიტის ადგილზე; ეკსკურსიული ვიზიტი - იგულისხმება ისეთი ვიზიტი, რომლის დროსაც ვიზიტორმა ღამე არ გაათენა ვიზიტის ადგილზე.


საქართველოს სტატისტიკის ეროვნული სამსახური

08.08.2025

ვიზიტების უმრავლესობა, 48.3 პროცენტი, განხორციელდა საქართველოს რეზიდენტი 31-50 წლის ვიზიტორების მიერ, ქალების მიერ განხორციელებული ვიზიტების რაოდენობამ კი მთლიანი ვიზიტების რაოდენობის 46.7 პროცენტი შეადგინა.

დიაგრამა №4

2025 წლის II კვარტალში საქართველოს რეზიდენტი ვიზიტორების მიერ საზღვარგარეთ განხორციელებული ვიზიტების რაოდენობის განაწილება ასაკობრივი ჯგუფების მიხედვით



ცხრილი №1

2025 წლის II კვარტალში საქართველოს რეზიდენტი ვიზიტორების მიერ საზღვარგარეთ განხორციელებული ვიზიტების განაწილება სქესის მიხედვით, ათასი

სქესი	რაოდენობა	%
კაცი	300.5	53.3
ქალი	263.8	46.7
სულ	564.3	100.0

საქართველოს სტატისტიკის ეროვნული სამსახური

08.08.2025

2025 წლის II კვარტალში ვიზიტების ყველაზე დიდი ნაწილი, 34.9 პროცენტი, განხორციელდა მეგობრების/ნათესავების მონახულების მიზნით.

ცხრილი №2

2025 წლის II კვარტალში საქართველოს რეზიდენტი ვიზიტორების მიერ საზღვარგარეთ განხორციელებული ვიზიტების განაწილება ვიზიტის ძირითადი მიზნის მიხედვით, ათასი

ვიზიტის ძირითადი მიზანი	რაოდენობა	%
მეგობრების/ნათესავების მონახულება	197.1	34.9
საყიდვები	171.4	30.4
დასვენება, გართობა, რეკრეაცია	119.6	21.2
პროფესიული/ეკონომიკური საქმიანობა	46.5	8.2
მკურნალობა, გაჯანსაღება	18.5	3.3
სხვა	11.1	2.0
სულ	564.3	100.0


ვიზიტების უმრავლესობა განხორციელდა თურქეთსა და რუსეთის ფედერაციაში, შესაბამისად, 201.3 ათასი და 106.3 ათასი ვიზიტი. ქვემოთ მოცემული დიაგრამა ასახავს ვიზიტების რაოდენობის პროცენტულ განაწილებას მონახულებული ქვეყნების მიხედვით.

საქართველოს სტატისტიკის ეროვნული სამსახური

08.08.2025

დიაგრამა №5

2025 წლის II კვარტალში საქართველოს რეზიდენტი ვიზიტორების მიერ საზღვარგარეთ განხორციელებული ვიზიტების რაოდენობის განაწილება მონახულებული ქვეყნების მიხედვით




2025 წლის II კვარტალში განხორციელებული ვიზიტებისას გათვლილი ღამეების საშუალო რაოდენობამ 6.4 ღამე შეადგინა, რაც 2024 წლის II კვარტალში დაფიქსირებულ მაჩვენებელზე (6.3 ღამე) 2.0 პროცენტით მეტია. ვიზიტების 98.2 პროცენტი წარმოადგენდა განმეორებითი ხასიათის ვიზიტს. ქვემოთ მოცემული დიაგრამა ასახავს 2025 წლის II კვარტალში საზღვარგარეთ განხორციელებული ვიზიტების რაოდენობის პროცენტულ განაწილებას კმაყოფილების დონის მიხედვით.

საქართველოს სტატისტიკის ეროვნული სამსახური

08.08.2025

დიაგრამა №6

2025 წლის II კვარტალში საქართველოს რეზიდენტი ვიზიტორების მიერ საზღვარგარეთ განხორციელებული ვიზიტების რაოდენობის განაწილება კმაყოფილების დონის მიხედვით



2025 წლის II კვარტალში განხორციელებული ვიზიტებისას გაწეული ხარჯები 582.8 მილიონ ლარს გაუტოლდა, რაც 1.9 პროცენტით ნაკლებია წინა წლის ანალოგიური პერიოდის მაჩვენებელზე. ვიზიტზე საშუალო ხარჯი 2024 წლის II კვარტალთან შედარებით 2.3 პროცენტით შემცირდა და 1 032.7 ლარი შეადგინა.

საქართველოს სტატისტიკის ეროვნული სამსახური

08.08.2025

ცხრილი №3

2025 წლის II კვარტალში საქართველოს რეზიდენტი ვიზიტორების მიერ საზღვარგარეთ განხორციელებული ვიზიტებისას გაწეული ხარჯების განაწილება ხარჯების კატეგორიების მიხედვით

ხარჯის კატეგორიები	ხარჯი (მლნ. ლარი)	%	საშუალო ხარჯი ვიზიტზე (ლარი)
საყიდვები	229.9	39.5	407.5
საკვები და სასმელი	155.5	26.7	275.5
განთავსება	78.6	13.5	139.4
ადგილობრივი ტრანსპორტი	63.5	10.9	112.5
გასართობი, გამაჯანსაღებელი, კულტურული და სპორტული ღონისძიებები	23.9	4.1	42.3
სხვა	31.3	5.4	55.5
სულ	582.8	100.0	1 032.7

შენიშვნა: ცალკეულ შემთხვევებში მცირე განსხვავება საბოლოო შედეგსა და შესაკრებთა ჯამს შორის აიხსნება მონაცემთა დამრგვალებით.

საქართველოს სტატისტიკის ეროვნული სამსახური

საკონტაქტო პირები:

დავითი ჟორჯოლიანი, ტელ: 2 36 72 10 (601), E-mail: dzhorzholiani@geostat.ge

მარიამ ყაველაშვილი, ტელ: 2 36 72 10 (020), E-mail: mkavelashvili@geostat.ge